

蘄州誌卷之一



文林郎致仕知縣州人甘澤纂輯

儒學學正閩人王舜卿校正

訓導真陽裴文采同校正

訓導閩人趙士讓編次

訓導蒙化李茂同編次

建置沿革

上古度地為州而州之名以始後世受命
按圖而州之地益廣歷三代以至漢唐宋
其間或以州部郡或罷郡置州或定為上

蘄州誌

天

一

中下州而州之地各有定分矣蘄之為州
則自後周始而為郡為州為路凡幾易爰
考載籍以叙諸首俾考古定今者於此乎
有稽焉

蘄州地夏商無考在周為蘄國春秋戰國為蘄

國屬楚自湖南北十州皆楚見杜秦屬南郡以楚

郡為南郡晉武帝時南西漢置為蘄春縣黃梅

蘄水羅田在西漢為屬江夏郡即今東漢置為

蘄春國吳改蘄春郡晉省郡以縣屬弋陽郡黃

縣境西陽城即晉弋東晉改為蘄陽縣晉簡文

陽郡治地見一統志

右諱阿春以春秋為陽秋富春為富陽宋齊並

屬西陽郡宋齊劉宋蕭齊西陽郡即今黃州北

齊置齊昌郡兼置羅州後周改為蘄州隋初郡

廢開皇三年罷天下諸郡以州統縣見通典後改州為蘄春郡煬帝

三年又改州為郡唐復為蘄州大唐武德元年

置太守見通典屬淮南節度使宋亦為蘄州屬淮南

西路寧宗嘉定十四年辛巳金人犯境知州李

誠之等死之景定四年癸亥元人犯境安撫使

王益遷今治孝恭德祐元年乙亥元人復犯今

治知州管景模怵于黃州知州陳奔之徇以城

蘄州誌

天

二

降之景炎二年丁丑即元世祖至元十四年丁

丑是年改蘄州為蘄州路屬河南行省淮西江

北道黃州路淮西江北道屬河南行省一統志

國朝洪武元年戊申改路為府領縣五蘄春為附

郭以黃梅廣濟蘄水羅田為外領洪武九年丙

辰五月改府為州罷蘄春縣外領黃梅廣濟蘄

水羅田屬黃州府洪武十二年己未割蘄水羅

田入黃州府蘄州仍領黃梅廣濟編戶六十里

八坊廂仍屬黃州府後因消乏景泰間編戶二

十五里三廂坊

州名

蘄州今蘄春西漢縣名東漢國名隋郡名蘄陽東晉縣名羅州北齊

分野

周禮保章氏以星斗辨九州之地所封之域皆有分星則分野之說其來尚矣然古之星經至漢散亡保章氏分星不可考爰采舊傳所入度姑錄于左以俟精於天文者辨之

蘄州在春秋戰國屬楚秦屬南郡郢西漢置蘄

蘄州誌

天

三

春縣屬江夏郡楚在禹貢為荊州之域在星紀

翼軫之分野天有十二次而星躔皆列于上下南地有十二州而分野各屬于下

郡入翼十度江夏郡入翼十二度晉天文志蘄居荊楚一

隅之地隨其所屬皆入翼蘄實翼分野矣不可

泥吳頭楚尾之說而妄有所議

疆域

昔者先王甄度四海以步分道里於是天下廣狹險易遠近悉具焉蘄州一隅之地號稱要區四方相距視古倍蓰而視今別郡蓋在廣袤之中用列所止以見其畧云

東止廣濟縣楊林鋪界西止蘄水縣陸廟鋪界
南止興國州黃鰲口鎮江心界北止羅田縣雞
兒河界雞兒河蘄水羅田英山蘄州交界之所
惟羅田居正北故曰北止羅田縣界
里至

東至廣濟縣楊林鋪界四十里縣前鋪七十里
西至蘄水縣陸廟鋪界六十里縣前鋪一百二
十里南至興國州黃鰲口江心界一十里州前
鋪七十里北至羅田縣雞兒河界一百四十里
縣前鋪二百里東南至南京水路一千三百七
十里陸路一千一百三十五里西北至北京水
路四千八百一十五里陸路三千八百九十里

形勝

自封建廢而郡縣立後世定為上中下三
等每等又有上中下之差自上郡至下下
等凡九等如此者不一而足又皆定為品
秩所以任牧伯也然或德浮於已濫八命
而虛擁名稱者不足以當形勢之勝也
國朝龍興乃慎是選一以德行文藝由貢舉
而進授之郡縣焉于以制五鄙而統四甸
真足以當形勢之勝而為萬世斯民之建

極自秦漢以來郡縣之盛未有過焉者也

蘄州形勝附次于左觀者考焉

背麟岡面鳳嶺大江襟其前諸湖帶其後左控

匡廬右接洞庭按輿復蘄州舊治記南距大江

北接光蔡西連黃岡東峙瀟院張子師廣教院記左舒右黃

古郡云云佳山秀水還絡勝又余章記三泉堂云

千里有鼓吹之白雲之勝

江湖絕處宋關詠神光觀記占淮濡之上腹或

又以吳頭楚尾荆揚交會之區稱之

按三泉堂天下第三泉之堂也是泉在蘄

水縣龍泉山龍泉井唐陸羽曾此取水烹

茶品為天下第三泉統誌謂在縣之鳳栖

山或又謂在州之鳳凰山胥失之矣夫蘄

水在西漢為蘄春縣地自劉宋分析為縣

至

國初俱屬蘄州及按神光觀亦在蘄水縣王

臺山宋關詠作記亦以時尚屬州故備稱

蘄州形勝風俗李常記廣濟寺於蘄之風

俗亦極稱之寺則不知其處或廢於前代

而泯其迹未可知也

風俗

五性靡常而風俗自有不同者蓋水土氣習所染非天地之中本然也故欲辯其風而正其俗則在司教化者機括轉移何如耳魯公治中牟而童子不敢乳雉延壽治潁川而盜竊亦自潛伏良有以夫蘄州舊誌眈俗富庶樂於為儒數十年來人文宣朗名士輩出斐然成風良由

聖朝涵濡禮樂之教既深且久而牧茲土者又皆躬行以振勵之故民風士習益隆益盛但喪禮一節不無可議故采名臣遺訓

併

嘉靖新令于後俾人知所戒云

其人淳龐近古李常廣濟寺記秀民樂於為儒宋關詠神光觀

記云云而不輕釋其業彬彬喜學而有鄒魯之遺風士習詩書民務稼穡

萬安脩學記近來喪禮一節漸不如古初喪必裂帛

以畀弔客名為散孝喪家執持以為首務或幹辦不前則愧赧不自勝富貴者逞其所有貧乏者強其所無取備是用競以相高殊不知弔禮一畢退即除之如浼已然至有吐置而讓其不祥者焉何也蓋吉凶之常變在人則有專當故

不得如本宗九族五服正服及袒免之安然則散孝爲何益哉及至殯葬送客散孝弊同初喪先此數日盛張酒具招賓燕飲侑以鼓樂名爲孝筵貧者倣效未能間乘夜分扛柩暗埋謂之偷葬甚至競趨時好曠越寒暑停柩暴露或致遭回祿竟無尺寸之膚以歸土酒食之害一至於此哀哉先朝楊文真公諭其子曰凡喪家遇親朋來弔皆散孝蓋弔是常禮孝是凶物請他人爲已持孝大非禮大非禮吾死後切不可行或有縉紳大夫來弔待賓者明謝以非禮不敢

褻瀆實非慢也嘉靖戊子監察御史劉謙亨等奏爲禁奢侈以正風俗事內開喪葬之家肆筵裂帛揚幡結綵崇僧道誦經聚優伶爲戲恬不爲怪乞要

禁革通行天下伏讀大儒訓辭

憲臣論列蘄弊率皆坐是如更相教誡一洗陋習則禮教行而風俗正不患其不復古矣

山川

禹貢九地闢而高山大川所以別天下之區域故九賦九貢無弗給者焉乃若全楚

之壤土地廣衍山澤之利無窮在今日則
又宋張耒所謂一大藪澤也蘄州阻山帶
水尤爲大郡野沃田良足以事耕取材於
山求鮮於水足以益富饒物產之盛名於
天下厥賦上下厥貢羽毛齒革之類夫豈
無所於取足哉其間窮崖秀谷長谿曲澗
每爲名賢逸士選奇而遊憩高僧羽流擇
地而栖止又幽勝之具存也附而書之

山類

其麟山在州後東北八景中麟閣江山卽此

蘄州志

天

八

鳳凰山在州前西南八景中鳳岡曉鐘卽此

周公山在州城北因爲義阡故名在城北

龍峯山在州北八里山麓有大石洞曾產花蛇

龜鶴山在州東十五里兩山相對各具像形八

景中龜鶴梅花卽此

盤龍山去州北十里舊有石鼓院今廢

磨盤山去州北六里

大泉山去州東十五里

宣撫山去州北十里

呂王山去州北七里僞王姓呂者築城于上因名

打鼓臺山去州東五里

野狐山去州東十里

安陽山去州東三十里

夫妻山去州東三十五里

展旗山去州東五十里

百家冶山去州東三十里曾產蘄竹今無

高山去州北三十五里已上俱在安平上鄉

細石山去州北四十里

石牛山去州北四十里

圓峯山去州西五十里

人 蘄州誌 天 九

林亂山去州西北八十里其山峭峻林木蒼鬱

因名已上俱在永福上鄉

馬下山去州西六十里世傳漢高祖討英布于

此駐馬因名一名馬鞍山一名馬華山

白雲山在舊治西北一里在今治五十里山阿

有僧寺揭名廣教其山舊志亦依附誤載却

於類列復著白雲山且山之奠靈幽人咏士

多所鄭重如泥以廣教復求白雲則雖有大

履如靈運將從何地以跂足也況今寺鐘型

署白雲又有足徵故剛廣教山名

茅山去州西六十里濱江山麓有石齒刺水面
折山去州北六十里折湖之水發源於此因名
策山去州北七十里自英山縣發脈

雲霧山去州北七十里山麓齒刺一石石有虎
足跡蹲踞猛肆之勢猶可想見相傳伏虎禪
師伏虎于此故遺足跡亦名虎踏石已上俱在永福下鄉

堆金山去州一百三十里

四流山去州一百二十里山頂迤邐有水南入

蘄水縣西亦入蘄水縣北入壽州霍山縣東

蘄州誌 天 十

入安慶府太湖縣因名已上俱在青山上鄉

三角山去州東北一百二十里峯巒秀拔頂有

三尖因名

豹子山去州北一百二十里皇城鎮

老鴉山與豹子山相峙峭拔聳翠蜿蜒二三十

里已上俱在青山下鄉

盧師山巔石平漫廣衍刻有三大字勁絕蒼古

世傳前人註五經于此亡其姓氏疑卽盧師

因以名山

鼓角山去州東北一百五十里壁立峻絕舊傳

漢高祖屯兵此山鳴鼓角因名又傳天欲雨
聞有鼓角聲一名鼓吹山

掘斷山去州東一百八十里

九龍山去州東北一百二十里上有高谿寺白

崖祖師石身

唐家山去州東北一百五十里

四隘山去州東一百五十里有四隘口因名

小泉山去州東一百五十里已上俱在崇居上鄉

白雞山去州東一百五十里

還原山去州東一百五十里

人 蕪湖誌 天 土

道觀山去州東一百二十里因天常觀名

金鷲山去州東一百二十里

大王山去州東北八十里

雲峯山去州東一百一十里已上俱在崇居下鄉

寶蓋山去州東二百五十里

鏡臺山去州東一百五十里

將軍山去州東一百五十里

龍玄山去州東二百五十里

相山去州東北二百五十里抵太湖縣界

大原山去州東二百五十里

茅平山去州東二百五十里

丫頭山去州東北二百五十里

已上俱在大同上鄉

龍目山去州東北一百四十里相傳宋高宗南

渡曾過此山見其聳翠秀拔注目久之因名

六合山去州東一百二十里有東洞龍王聖井

在焉

大樺山去州東一百六十里有九十九灣羅州

城之祖山也

石人山去州東一百四十里有石如人因名

已上

俱在大同下鄉

八 新誌

天

士

燕子崖在青山下鄉去州北一百二十里元至

正間汪不花團結鄉兵立寨于此築壘禦紅

巾賊

捨身崖在三角山第一峯石上有人形世傳慈

應祖師在此脩行所臥迹也天空雲淨江際

風帆遠近樓臺縹緲在目名曰捨身甚言其

險也

土峯嶺在崇居上鄉去州東北二百里

小隘嶺在崇居上鄉去州北一百五十里

國公狝在青山下鄉去州北一百二十里昔英

太師統兵自英山過此因名

磨旗坂在青山下鄉去州北一百二十里昔英太師統兵駐此磨旗肅軍有竊民徐元英醫者捕獲遂磔以示衆

花蛇洞在龍峯山麓舊產白花蛇今無

仙人洞在大泉山之陰

老龍洞在三角山絕頂有三井洞僅一隙通明井中時或浮出蘆葦屑世謂通江河未知然否

東西二龍洞上有三洞龍王廟

人 新誌 天 三

許家洞在六合山雞公尖元末許姓者避亂于此因名路在澗中成化間有人入洞探得所藏今路爲泥沙湮沒人行其上閃閃有聲內可容五六百人

川類 洲磯墩附

金沙湖在州東十里又名東湖

赤東湖在州北十里湖九十九以春夏水溢秋冬水涸八景中東湖春水卽此

諸家湖在州城外入皆得漁故名湖屬廣濟縣地因環繞州之東南隅類而誌之

西河在舊治羅州之西上接宗渡河實一水而
二名

宗渡河在大同上鄉去州東北一百八十里舊傳高宗南渡經此故名

蘄河在崇居下鄉去州東北五十里發源大樺

山經黃城河入赤東湖注大江

黃城河在青山下鄉去州東八十里

翻車水在州東南八十里九江王黯布背項羽

歸漢於此水築城名翻車城

高谿水在崇居上鄉去州東北一百二十里其

派南入蘄河名三十六水

蘄州志

天

古

鈷鉬水在舊治州前源出楂梨山入蘄河

雙水在青山上鄉去州北一百四十里有龍潭水常湖水因名

義井在州西南俗呼三眼井

東洞龍王井在崇居上鄉去州東一百一十里

其水清潔湧沸不竭山岩石壁環抱峙立

丹井在州東北井底有四竅按四時出泉世傳

王全真鍊丹于此其水清潔能解熱疾

西河井在西河驛

會龍井在三角山寺傍水分青黃白三色俗謂

三龍之氣眼水滿其色極清淺則三色自見

西龍井在三角山西龍王廟下其井水分文武
文井左旋武井右旋石壁夾谿宋有聞人題
詠其上今字畫剝落無傳

湯井在崇居上鄉去州北一百四十里其沸如
湯有硫黃氣

大泉出大泉山麓

蓮花池在州北一里亦名王家塘八景中城北
荷池卽此

太清池在州東一里玄妙觀前八景中太清夜
月卽此

新州誌

天

五

三角山池舊傳三洞龍王會龍之所

掛口港在州北五里內接東湖外濱大江春夏
水長從此入湖秋冬水消從此出江江湖之
水隨時吞吐因名

高漣塘在州北一里

清水塘在州北二里

高家堰在州北六十里今廢

六龍潭在州北一百二十里高谿寺左凡天將
雨水上洶湧其聲如雷震聞二十里外

洗馬潭在州北八十里

鴻宿洲一名金沙洲在州西二里大江中八景

中鴻洲煙雨卽此

龍眼磯在州西一里大江中八景中龍磯夕照

卽此

新生磯在州西南三里大江中學士李東陽過

此有詩見藝文

顧家墩在赤東湖中徧西船艘倏衝烈風每遭
覆溺之患正德十年州人顧相捐貲募工築
爲高墩以便梢泊鄉人感其義遂名顧家墩